

25. Oktober 2017

UKA 2017/130

Pisortatigoortumik marlunnik inuiattut erinarsuuteqarnerput nalilersoqqittariaqarnerlutigu apeqquqteqaat aallaavigalugu oqallississiaq.

(Inatsisartunut ilaasortaq Peter Olsen, Inuit Ataqatigiit)

inatsisartunut ilaasortap Peter Olsen, Inuit Ataqatigiit Inuiattut marlunnik erinarsuuteqarnerput pillugu oqallissaaruteqarneranut soqtiginarluinnartitatsinnut Siumumiit imatut oqaaseqassaagut.

Inuiattut marlunnik erinarsuuteqarluta oqaatigisarparput, oqaluttualli allaaserineqartartullu malillugit inuaassutsitsinni ilisarnaatitut erinarsummik atortagassatsinnik inatsisiliuussaqarsimangnilagut.

Taamaakkaluartoq tamatta nalunngisatsinni inuaqatigiit nalliuottorsiornermi / inuiattut ullorsiornermi assigisaannilluunniit inuaassutsimik erinarsuutitut taasartakkavut marluusut arlaat tamarmilluunniit tamatigut pingaartillugit ataqqillugillu atortarlutigit.

Inuiattut erinarsuuteqarnitsinnut marluusunut tunngatillugu aalajangiussaqavissimanginnitta ersiutigaa inuaqatigiinni oqallisaajuarnera, aammalu minnerunngitsumik ullumikkut inatsisartuni arfineq marlussaa allaat oqallisigilerparput.

Oqallittarnerpassuarni Siumumiit nalornissutiginagu tamatigut oqaatigisarparput inuiattut erinarsuutigisariaqagarpot tassaasoq “*Nunarput utoqqarsuanngoravit*”.

Imaanngilarli “*Nuna asiilasooq*” imaqannginnerusorigatsigu. “*Nuna asiilasooq*” imartoqaaq inuaassutsitsinnik pingaartitsilluni unnersiutaavoq nuannersorsuullunilu.

Taamaakkaluartoq marlunnik peqarnitta atuisarnittalu ileqqoriinnagassatut isumaqalersissimangu-narpaatigut.

Siumumiit isumaqarpugut inuiattut erinarsuuteqarnitta inatsisiliuunneqarnissaa pisariaqartoq. Tammali pitinnagu sineriammi nunaqqatigut oqallitsinneqassasut Naalakkersuisut isumaattut, kaammattutigerusullugu.

Aamma namminiilivinnissamut tunngaviusumik inatsiliornissaq massakkut suliarineqaleruttortumut ilanngullugu ullumikkut atortakkatta arlaat tusarniutaasinnaavoq, immaqaluunniit allamik suliaqartit-

sisoqarsinnaanera siunertaralugu tusarniutigalugu imaluunniit assersuutigalugu ullumikkut pigeriik-katta ilaannik toqqaasinnaaneq isummersorfigineqarsinnaalluni.

Oqaaserpassuit atornagit oqallissaarisup oqallissaarutaanut pisariaqartumut Siumumiit taamatut oqaaseqarluta oqallittoqarluarnissaa neriuutigaarput.

Jess Svane

Siumut